

Na osnovu člana 24. i 117. Statuta Općine Srebrenik ("Službeni glasnik Općine Srebrenik", broj: 1/08) i člana 76. Poslovnika o radu Općinskog vijeća Općine Srebrenik - Prečišćen tekst ("Službeni glasnik Općine Srebrenik", broj:10/06, 2/10, 8/11, 2/17 i 7/17), razmatrajući Informaciju o stanju vodosnabdijevanja na području Općine Srebrenik u 2018. godini, Općinsko vijeće Općine Srebrenik, na 1. tematskoj sjednici održanoj dana 01.06.2019. godine, d o n i j e l o j e:

ZAKLJUČAK

I

Prihvata se Informacija o stanju vodosnabdijevanja na području Općine Srebrenik u 2018. godini sa sljedećim zaključcima i prijedlozima mjera:

1. Pristupiti hitnoj realizaciji aktivnosti na projektu vodosnabdijevanja najugroženijeg dijela Općine Srebrenik (MP Tinja sa gravitirajućim naseljima) uključivanjem u sistem vodosnabdijevanja bunara: BGD 11 i BGD 12 Rudnika uglja Mramor – Sjever, te realizaciji aktivnosti uvođenja integralnog vodovodnog sistema na području Općine Srebrenik;
2. Pristupiti uvođenju Bunara B5 u sistem Gradskog vodovoda (realizacija II i III faze);
3. Pristupiti izgradnji i uvođenju u sistem Bunara "Ekonomija II" u Lokalni vodovod Tinja;
4. Pristupiti izgradnji i uvođenju u sistem Bunara "Krč" u Lokalni vodovod Špionica;
5. Sačiniti dinamički plan aktivnosti koji će podrazumijevati početak realizacije projekta trajnog rješavanja vodosnabdijevanja najugroženijeg dijela Općine Srebrenik (MP Tinja sa gravitirajućim naseljima) do kraja 2019. godine, a koji će, u roku od 100 dana, u sklopu informacije o stanju vodosnabdijevanja biti ponuđen Općinskom vijeću na usvajanje;
6. U okviru strukture budžetskih sredstava za infrastrukturne projekte, i to objekte vodosnabdijevanja, prioritet dati finansiranju projekta trajnog rješavanja vodosnabdijevanja najugroženijeg dijela Općine Srebrenik (MP Tinja sa gravitirajućim naseljima);
7. Nedostajući iznos finansijskih sredstava neophodnih za završetak projekta trajnog rješavanja sistema vodosnabdijevanja najugroženijeg dijela Općine Srebrenik (MP Tinja sa gravitirajućim naseljima), osim budžetski planiranih finansijskih sredstava, obezbijediti putem najpovoljnijeg kreditnog zaduženja, pri čemu bi se kreditno zaduženje na osnovu odluke Općinskog vijeća završilo prije kraja 2019. godine, odnosno odmah nakon izrade projektno-tehničke dokumentacije, a planiranje budžetskih sredstava bi se izvršilo u okviru rebalansa Budžeta Općine Srebrenik najdalje do 31.08.2019. godine;
8. Nastaviti intenzivno aktivnosti prema Saudijskom razvojnom fondu i Ambasadi Saudijske Arabije u cilju obezbjeđenja grant sredstava za rješavanje vodovodnog i kanalizacionog sistema, pri čemu bi se predmetna sredstva, u slučaju obezbjeđenja, nakon završetka projekta vodosnabdijevanja najugroženijeg dijela Općine Srebrenik (MP Tinja sa gravitirajućim naseljima), iskoristila za rješavanje problematike rješavanja projekata vodovodnih i kanalizacionih sistema na čitavom općinskom području;

9. U cilju dugogodišnjeg zadovoljavanja potreba stanovništva dovoljnom količinom vode na cijelom području Općine Srebrenik nastaviti sa hidrogeološkim istraživanjima.
10. Pristupiti hitnoj rekonstrukciji vodovodne mreže na Vodovodu Duboki Potok sa izvorišta Kugičko vrelo, izgradnja dodatnog rezervoara i filterskog postrojenja, a finansijska sredstva predvidjeti kroz rebalans Budžeta Općine Srebrenik u okviru zaključka 7.;
11. U okviru projekata vodosnabdijevanja potrebno je planirati i realizovati ugradnju jednog ili više hidranata (zavisno od domaćinstava u određenom naselju) za potrebe vatrogasaca i
12. Zadužuje se Javno preduzeće Vodovod i kanalizacija "Srebrenik" d.d. Srebrenik da, u saradnji sa resornom službom, kontinuirano prati kvalitetu pitke vode svih vodovodnih sistema na području Općine Srebrenik.

II

Rok za izvršenje predloženih zaključaka je 31.12.2020. godine.

III

Zaključak stupa na snagu danom donošenja, a objavit će se u "Službenom glasniku Općine Srebrenik".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinsko vijeće-

PREDSJEDAVAJUĆI
OPĆINSKOG VIJEĆA
Anto Marković, s.r.

Broj: 01-306/19
Datum, 01.06.2019. godine